



სცენარები Read.ForReal

ჰკითხულობთ ერთად!

ხანგრძლივობა: 20 + 20 წუთი

ასაკობრივი ჯგუფი: სკოლამდელი ასაკის ბავშვები და დაწყებითი სკოლის მოსწავლეები

საჭირო მასალა: ხმამაღლა წასაკითხი წიგნი, ფურცლები, კალმები/ფანქრები

სცენარი:

დღის მშვიდ მომენტში შეკრიბეთ ბავშვები და წაუკითხეთ მათ ჯადოსნური ან სასაცილო ისტორია. აირჩიეთ წიგნი, რომელიც მათ ფანტაზიას გააღვივებს! როდესაც კითხვას დაასრულებთ, შესთავაზეთ პატარა მკითხველებს დახატონ საყვარელი პერსონაჟი ან ნახატებით ხელახლა მოყვანენ მოსმენილი ისტორიის დანარჩენი ნაწილი. რა მოხდა შემდეგ? ვინ შეუერთდა მოთხრობის პერსონაჟებს? დროა, მათ ფანტაზიას თავისუფლება მისცენ! ჩამოკიდეთ ბავშვების ნახატები კედელზე და შექმენით მინი ხელოვნების გალერეა.

მასტერკლასი წარმოდგენელ ისტორიებზე - შთაგონებული ჯანი როდარის მიერ

ხანგრძლივობა: 30 წუთი

ასაკობრივი ჯგუფი: სკოლამდელი ასაკის ბავშვები და დაწყებითი სკოლის მოსწავლეები

საჭირო მასალა: ცნობილიზღაპარი (მაგ. წითელქუდა), ფურცლები, კალმები/ფანქრები


სცენარი:

დაიწყეთ კლასიკური ზღაპრის კითხვა — მაგრამ დაამატეთ რაიმე თქვენგან! შეცვალეთ პერსონაჟების სახელები, მათი ტანსაცმელი ან დავალება, რომელსაც ისინი ასრულებენ. მაგალითად:

„ერთხელ ცხოვრობდა გოგონა, სახელად მწვანექუდა. ერთ დღეს დედამ ის ბაბუის სახლში გაგზავნა ფეხბურთის ბურთით...“

რაც უფრო უცნაურია, მით უკეთესი! ერთად იცინეთ, შემდეგ კი სთხოვეთ ბავშვებს, რომ ზღაპრის საკუთარი, შეცვლილი ვერსია მოიგონონ. მათ შეუძლიათ ის გაათამაშონ, დახატონ ან უბრალოდ გაუზიარონ სხვებს თავიანთი იდეები.





დამატებითი დავალება: გამოიყენეთ ეს აქტივობა, როგორც შესაძლებლობა, ისაუბროთ რეგიონულ ზღაპრებზე ან ადგილობრივ ავტორებზე.

STEAM კომპეტენციები: კითხვა და კეთება!

ხანგრძლივობა: 45 წუთი

ასაკობრივი ჯგუფი: სკოლამდელი ასაკის ბავშვები და დაწყებითი სკოლის მოსწავლეები

საჭირო მასალა: ენციკლოპედია ან პოპულარული სამეცნიერო წიგნი ბავშვებისთვის, ქაღალდი, ფანქრები

სცენარი:

აირჩიეთ თემა, რომელიც დაკავშირებულია ჩვენს გარშემო არსებულ სამყაროსთან - მცენარეები, ცხოველები, ამინდი, გამოგონებები, მუსიკალური ინსტრუმენტები... აირჩიეთ ბავშვებისთვის ენციკლოპედია ან პოპულარული სამეცნიერო წიგნი, რომელიც არჩეულ თემას მარტივად და საინტერესოდ ხსნის (საჭიროების შემთხვევაში, დახმარებისთვის მიმართეთ თქვენს სკოლას ან ადგილობრივ ბიბლიოთეკას!). წაიკითხეთ მოკლე ამონარიდი, რათა ბავშვებს გააცნოთ არჩეული თემა. შემდეგ განიხილეთ, რა იციან ბავშვებმა უკვე ამის შესახებ. რა აინტერესებთ მათ? როგორ ვლინდება ეს თემა მათ ყოველდღიურ ცხოვრებაში?

დროა, გამოიყენოთ თქვენი ფანტაზია! შესთავაზეთ ბავშვებს, შექმნან ფანტასტიკური ისტორია არჩეულ თემაზე — შესაძლოა, ისტორია ფრინველზე, რომელიც რობოტებს აშენებს, ან მცენარეზე, რომელიც იავნანას მღერის. მათ შეუძლიათ ეს ამბავი ხატვით, როლური თამაშით ან სხვა ბავშვებისთვის აღწერით მოყვნენ.

გაკვეთილის გარეთ შესასრულებელი დავალებები:

წაახალისეთ ბავშვები, რომ **დააკვირდნენ არჩეულ თემას რეალურ სიტუაციებში - სახლში, ქუჩაში, პარკში ან სეირნობის დროს.** რა მაგალითები იპოვეს მათ?

შესთავაზეთ ბავშვებს, რომ **მოიწვიონ მშობლები ან მეურვეები,** რათა დაეხმარონ მათ ახალი ფაქტების აღმოჩენაში - ერთად კითხვით, საკვანძო სიტყვების მოძიებით ან უკვე არსებული ცოდნის განხილვით. ბავშვებს შეუძლიათ გაუზიარონ თავიანთი დაკვირვებები მეგობრებს მოკლე დისკუსიების დროს, წარმოადგინონ ისინი როლურ თამაშებში ან გამოფინონ თავიანთი დასკვნები საკლასო დაფაზე, რომელიც შექმნილია STEAM-ის სფეროში (ანუ, მეცნიერება, ტექნოლოგია, ინჟინერია, ხელოვნება და მათემატიკა) აღმოჩენების საჩვენებლად!

კითხვის ესტაფეტა

ხანგრძლივობა: 20–45 წუთი (ან მეტი, დამოკიდებულია ჯგუფის სიდიდეზე)

ასაკობრივი ჯგუფი: დაწყებითი სკოლის მოსწავლეები

საჭირო მასალა: მოსწავლეების მიერ შერჩეული წიგნი ხმამაღლა წასაკითხად

სცენარი:

აირჩიეთ წიგნი, რომელიც მთელ ჯგუფს მოეწონება. შემდეგ დაიწყეთ კითხვის ესტაფეტა: ერთი მოსწავლე ხმამაღლა კითხულობს ნაწყვეტს, შემდეგ ესტაფეტას გადასცემს შემდეგმონაწილეს და ა.შ. შეგიძლიათ ესტაფეტაში სხვა მოსწავლეებთან ან პერსონალთან ერთად ჩაერთოთ!

ვარიანტი: ჩართეთ ესტაფეტაში მთელი სკოლის საზოგადოება! აირჩიეთ ადგილობრივი ავტორის წიგნი, რომელიც Read.ForReal Czytaj.Serio-ს ფარგლებში კლასიდან კლასში იმოგზაურებს: თითოეული ჯგუფი კითხულობს წიგნიდან ამონარიდს (ან მთელ წიგნს, უფრო მოკლე გამოცემებისთვის) და შემდეგ გადასცემს მას სხვებს.

მოიწვია მწერალი!

ხანგრძლივობა: 60 წუთი

ასაკობრივი ჯგუფი: დანყებითი/საშუალო/სკოლის, ლიცეუმის მოსწავლეები

სცენარი:

საყვარელ მწერალთან შეხვედრა ბავშვებისთვის დაუვინყარი გამოცდილება შეიძლება იყოს. შეხვედრის ორგანიზებისთვის:

- წინასწარ დაუკავშირდით ავტორს და მოიწვიეთ სკოლაში Read.ForReal Czytaj.Serio. შეხვედრაზე.
- შეხვედრამდე, მოსწავლეებთან ერთად წაიკითხეთ ავტორის წიგნი და განიხილეთ ის გაკვეთილის დროს - თუ წიგნი ილუსტრირებულია, არ დაგავინწყდეთ სურათები!
- სთხოვეთ მოსწავლეებს, მოამზადონ კითხვების სია.
- ღონისძიების დღეს, მიეცით მოსწავლეებს საშუალება, გამოიჩინონ ინიციატივა: წარადგინონ ავტორი და მისი ნამუშევარი, დასვან კითხვები და თვალყური ადევნონ ღონისძიებას!

ონლიან შეხვედრა ავტორთან, ილუსტრატორთან და მთარგმნელთან!

ხანგრძლივობა: 40 წუთი

ასაკობრივი ჯგუფი: დანყებითი/საშუალო/სკოლის, ლიცეუმის მოსწავლეები

სცენარი:

ბავშვებსა და ახალგაზრდებს უყვართ შემოქმედებით სულებთან შეხვედრა. გსურთ ხაზი გაუსვათ მწერლების, ილუსტრატორებისა და მთარგმნელების მნიშვნელოვან როლს წიგნის შექმნის პროცესში, მაგრამ არ გაქვთ შესაძლებლობა პირადად მოაწყოთ შეხვედრა? პრობლემა არ არის!

აქ მოცემულია რამდენიმე ალტერნატივა:

- დაფიქრდით, ვისი მოწვევა გსურთ - ადგილობრივი მხატვრის თუ სხვა ქვეყნიდან ჩამოსული ადამიანის.

- დაუკავშირდით შემქმნელს ან გამომცემელს ონლაინ შეხვედრისთვის მოსახერხებელი თარიღისა და დროის შესათანხმებლად.
- მოამზადეთ ბავშვები შეხვედრისთვის:
 - გაარკვიეთ, რა წიგნები დაწერა, დააილუსტრირა ან თარგმნა თქვენმა სტუმარმა.
 - წაიკითხეთ წიგნები ბავშვებთან ერთად და ისაუბრეთ მათ შთაბეჭდილებებზე.
 - ყურადღება მიაქციეთ ილუსტრაციებს (თუ ისინი წიგნშია).
 - წაახალისეთ ბავშვები, შეადგინონ სტუმრისთვის კითხვების სია. შეხვედრის ჩატარებისას, არ დაგავიწყდეთ მისი ისე მოდერაცია, რომ ბავშვებმა მარტივად და სიამოვნებით შეძლონ მისი თვალყურის დევნება. არ დაგავიწყდეთ სტუმრებს ბავშვების მიერ მომზადებული კითხვები დაუსვან.
- უმცროსი ასაკის მოსწავლეებისთვის: საუბრის დასრულების შემდეგ, შესთავაზეთ ბავშვებს, რომ შეხვედრის აღსანიშნავად შექმნან ნახატი. ეს შეიძლება იყოს სტუმრის პორტრეტი ან რაიმე, რაც შთაგონებულია წიგნით, მისი ნახატებით ან თარგმანით.

გაუნით რეკლამა წიგნს: დიდების ერთნახევარი ნუთი!

ფორმატი: ცოცხალი ან ჩაწერილი შესრულება

ასაკობრივი ჯგუფი: დანყებითი სკოლის მოსწავლეები და უფროსი ასაკის ბავშვები

სცენარი:

საკმარისია თუ არა 90 წამი იმისთვის, რომ მოანდომოთ სხვებს კითხვის დანყება? რა თქმა უნდა! ეს გამოწვევა შემოქმედებითი გზაა სიუჟეტის შეჯამების, საჯარო გამოსვლებისა და კრიტიკული აზროვნების უნარების გასავითარებლად. აქ მოცემულია მოკლე სახელმძღვანელო მოსწავლეებისთვის:

ნაბიჯი 1: დაგეგმვა

წარმოიდგინეთ, რომ გაქვთ უნიკალური შესაძლებლობა, ურჩიოთ ვინმეს წიგნი, რომელიც მის ცხოვრებას შეცვლის!

შეადგინეთ მარტივი გეგმა:

- რაზეა წიგნი?
- ვინ არიან მთავარი პერსონაჟები?
- რა თემებს მოიცავს?
- რა ხდის წიგნს ყველაზე გამორჩეულს?
- რატომ უნდა წაიკითხოთ სხვებმა?

მოსწავლეებს შეუძლიათ სცადონ მოკლე სცენარის დაწერა ან თავისუფალი ფორმის მეთყველების პრაქტიკა - წაახალისეთ ისინი, რომ ორივე სცადონ!

ნაბიჯი 2: შესავალი

- დააყენეთ ტაიმერი და ივარჯიშეთ ისე, თითქოს ნამდვილ ჩამწერ სტუდიაში იმყოფებოდეთ - შეგიძლიათ რამდენიმე კადრის გადაღება



- ისაუბრეთ ენთუზიაზმით და ენერგიით - ნუ გაამხელთ ზედმეტს, მაგრამ იყავით დამაჯერებელი!
- არ დაგავიწყდეთ წიგნის სათაურისა და ავტორის მითითება. თუ პრეზენტაციას იწერთ, აუცილებლად წარმოადგინეთ ყდა.
- წაახალისეთ მოსწავლეები ორიგინალურობისკენ – თავი აარიდეთ ისეთ ზოგად ფრაზებს, როგორიცაა „ეს მართლაც კარგი წიგნია“. გამოხატეთ თქვენი მოსაზრებები მონდომებით, გადამწყვეტად და ემოციურად.

გადააქციეთ ეს აქტივობა მთელი კლასის შეჯიბრად ან შექმენით თქვენი სკოლის არხი Booktube/BookTok-ზე!